

## La pregiera de l'espeleò

Mon Diu, m'avetz botat dins 'queu terrestre monde  
Onte pòde espiar lo ciau blu, l'univers ;  
E ai chausit lo gorg e la cròsa prigonda  
Onte los vielhs vesían las bochas de l'infern.  
L'abisme es clafit d'esplendors estujadas  
Que, dins l'escuresina, làusen vòstre nom,  
E 'queu-'quí que s'enauga a las voutas nibladas  
Se retròba jos terra, pitit coma un cusson.

Mon Diu, avetz fach de las beutats daus crosets  
La sancciu dau risque e lo pretz de l'esfòrç ;  
Gardatz-me, io tan freule, en 'quilhs paurós endrechs  
Onte darrier la patz es daus-uns-còps la mòrt.  
Gardatz-me de l'onda e de son brusque corrent,  
De la còrda que romp, dau fuòc que s'eschantís,  
De la crampa, de l'eija e de l'esbolhament,  
Daus tracanards de l'ombra e dau ròc coladís.

E quora, enfin, per io, l'ora sirá 'ribada  
De me'n anar tanben vers lo país d'en naut,  
Aiatz pietat, senhor, de mon anma esgarada,  
E recebetz chas vos lo paubre « chava-traucs » !

Traduction périgourdine par G. Balloux du poème de R. Parrot – 24/12/2018